

◆ NO PROXECTO, COORDINADO POR LINO BRAXE, PARTICIPA TODO O ELENCO DO CDG

# A Radio Galega emite obras de teatro de Dieste, Blanco Amor e Cunqueiro

*A Radio Galega (RAG) principiou onte a emisión dunha serie de oito obras de teatro lido que foron gravadas para este fin nos últimos meses polo elenco*

*de actores do Centro Dramático Galego (CDG). Con especial atención ós textos de Rafael Dieste, a quen vai adicado este ano o Día das Letras Galegas, a*

*compañía teatral pretende encher deste xeito o valeiro existente en canto á difusión de pezas da arte dramática no medio radiofónico.*

## SANTIAGO. Redacción

Segundo informou onte o Instituto Galego de Artes escénicas e Musicais (IGAEM), o proxecto, coordinado polo actor Lino Braxe, forma parte dun acordo global entre a Compañía de Radio Televisión de Galicia e a Consellería de Cultura, que ten por finalidade fomentar la promoción de tódalas manifestacións artísticas que se producen en Galicia, con especial atención á escena e á música.

As emisións, que terán lugar tódolos mércores deste mes a partir das 21.00 horas e dentro do programa *Diario Cultural*, que dirixe e presenta Ana Román na emisora autonómica, constarán da lectura dramatizada de dúas obras de teatro por cada espacio.

Así, no día de onte emitíronse as obras *Os baralláns*, de Eduardo Blanco Amor, e *Nova York é noso*, de Rafael Dieste. Deste último autor, e con motivo de se-lo protagonista este ano do Día das Letras Galegas, tamén se emitirán *O grandor do mundo*, *O drama do cabalo de axedrez* (17 de maio), ademais de *A doncela guerreira* e *Na morte da estrela* (24 de maio).

Por último, o 31 de maio tocarálle o turno as obras *A medosa Blandina*, de Blanco Amor, e *A dama que enganada*, de Álvaro Cunqueiro.

Estas mesmas gravacións serán a base da futura Fonoteca do Teatro Galego, un documento



A ARTE DRAMÁTICA TAMÉN TEN CABIDA NA RADIO AUTONÓMICA

Gallego

sonoro no que se dará cabida, nun soporte de cinta para radio-casette, ás lecturas dramatizadas das obras de teatro más emblemáticas da historia da literatura galega. Estes oito primeiros textos teatrais que se emitirán pola Radio Galega editaránse tamén como material didáctico, nunha tirada de 1.200 exemplares, que serán distribuídos polos centros de Ensino Medio e asociacións culturais, nun plano de difusión

teatral que será cofinanciado pola Dirección Xeral de Política Lingüística.

## Capacitación agraria

Por outro lado, a Consellería de Agricultura e maila Televisión de Galicia asinarán proximamente un convenio de colaboración para a elaboración e emisión de programas informativos relacionados coa formación e capacitación de agricultores e

gandeiros, logo dé ser aprobado onte este acordo polo Consello da Xunta.

A TVG comprométese á emisión do programa *O Agro*, de catro minutos de duración, de luns a venres, antes do *Telexornal 1*, e do programa *Labranza*, de quince minutos, os sábados e os domingos ás 14.15 horas. Pola súa parte, Agricultura achegará 37 de millóns para cubrir parte dos gastos derivados do convenio.